



張氏
書

荆大曆二皇朝
白集序

唐大曆中以詩名者有

錢起盧綸李端吉中字

韓翃司空曙苗發崔峒

耿湓夏侯審十人當時

白集

序

白集

序

白集

序

臣才子目之後世之論恒
不釋於斯較唐一代著
作神龍垂拱朴而實開
元天寶淳而暢及大曆
則美麗矣物至於麗則

薄以之而才之攝反不
出於盛唐諸君子之際
何耶蓋聲稱獲於偶然
而標榜起於所尚古之
通途也功相亞則以功並

顯德相侔則其德並著志
相符則以志並傳久相
擬則其文並美故三傑二
疏七賢七子之見稱於時
固純矣今觀十子之詩其

氣骨類通相倣效者雖
間有才質縮舒而其機
軸如發於一處不待以參
差注也然則名稱標榜
之來謂不自茲乎雖然

劉長卿二里甫亦為同
時其才格當不在十子
之下而不得與其列何
哉蓋格推之先屬於斗
外濟水泓乾以瀆並名
故曰亨福獲於偶乾
殊不足為定論也同寅
劉君潤之工於唐人之
作政暇取大曆十子詩
校正命梓以傳後祀皇

甫諸君之詩續之嗚呼
君之意可以識矣

正德戊寅上巳日儀封

王廷相子衡序

皇甫冉字茂政潤州人玄晏先生謚之後
十歲能屬文張九齡嘆而異之天寶間
與弟俱登第授無錫尉避難居陽羨大
曆中為王綰掌書記後為左金吾衛兵
曹參軍終左補闕卒有集三卷傳于世

本補闕安處皇甫集序



五言詩之源生於國風廣於離騷著於蘇
李盛於曹劉其所自遠矣當漢魏間雖已
朴散為器作者猶質有餘而文不足以今
揆昔則有朱絃踈越大羹遺味之歎歷千
餘歲至沈詹事宋員外始財成六呂彰施
五色使言之而中倫歌之而成聲緣情綺
靡之功至是乃備雖去雅寢遠其麗有過
於古者亦猶路鼗出於土鼓篆籀生於鳥
跡也沈宋既歿而崔司勳顓玉右丞維復

崛起於開元天寶之間得其門而入者當
代不過數人補闕其一也補闕諱冉字茂
政玄晏先生之後樂平縣令价之孫潭州
長史顛之子十歲能屬文十五而老成右
丞相曲江張公深所歎異伯父秘書少監
彬充器之自而今問休暢舉進士第一歷
無錫尉左金吾兵曹今相國太原公之推
轂河南也辟為書記大曆二載遷左拾遺
轉左補闕奉使江表因省家至丹陽朝廷
虛三署卽位以待君之復不幸短命年方

五十四而歿嗚呼惜哉君忠恕廉恪居官
可紀孝友恭讓自內形外言必依仁交不
苟合得喪喜愠罕見於容故觀君述作知
君所尚以景命不永斯文未臻其極也蓋
存於遺禮者凡三百有五十篇其詩大略
以古之比興就今之聲律涵泳風騷憲章
頽謝至若麗曲感動逸思奔發則天機獨
得非師資所槩每舞雩詠歸或金谷文會
曲水修楔南浦愴別新聲秀句輒加於常
時一等才鍾於情故也君母弟曾字孝常

與君同稟學詩之訓，君有誨誘之助，焉旣而麗藻競爽，盛名相亞，同乎聲者，方之景陽孟陽，孝常旣除，喪懼遺製之墜于地也。以某與茂政前後為諫官，故術痛編集，以論譔見託，遂著其始終，以冠于篇。特大曆十四年月日，司封郎中河南獨孤及序。

唐皇甫冉詩集目錄

四言古詩

劉方平壁畫山

五言古詩

與張補闕王鍊師自徐方清路同舟
中下於臺頭寺留別趙員外裴補闕
同賦雜題一首
屏風上各賦一物得携琴客

寄劉方平

曾東遊以詩寄之



崔十四宅各賦一物得蒼柳

送段明府

酬楊侍御寺中見招

見諸姬學玉臺體

題裴二十一新園

寄高雲

送張南史

送薛判官之越

賦得蒼燕

送魏中丞還河北

又賦得越山三韻

送竇向叔

題高雲客舍

之京留別劉方平

出塞

酬裴十四

送鄭二員外

七言古詩

雜言湖山歌送許鳴謙并序

雜言迎神詞二首并序

迎神

送神

江草歌送盧判官

雜言月洲歌送趙冽還襄陽

澧水送鄭豐鄆縣讀書

登山歌

雜言無錫惠山寺流泉歌

送包佶賦得天津橋

廬山歌送至弘法師兼呈薛江州

送陸潛夫往茅山賦得華陽洞雜騷

體

酬權器

五言律詩

潤州南郭留別

祭張公洞二首

巫山峽

長安路

送朱逸人

西陵寄靈一上人朱放

赴無錫寄別靈一淨虛二上人雲門

所居

獨孤中丞筵陪餞常使君赴昇州
送王緒判中

酬李郎中侍御秋夜登福州城樓見
寄

同李司直諸公暑夜南餘館

贈普門上人

與諸公同登無錫北樓

同李蘇州傷美人

題魏仲光淮山所居

送鄭判官赴徐州

送顧長往新安

送權三兄弟

落第後東遊留別

寄劉八山中

九日寄鄭豐

劉方平西齋對雪

福先寺尋湛然寺主不見

秋夜寄所思

賦得郢路悲猿

清明日青龍寺上方賦得多字

與張諲宿劉八城東莊

問上人疾

送竇叔向入京

登石城戍望海寄諸暨嚴少府

同樊潤州秋日登城樓

送蔣評事往福州

批律賦得荆溪夜湍送蔣逸人歸義興山

送孔黨赴舉

齊郎中遮賦得的的帆向浦留別

送陸鴻漸栖霞寺採茶

迫舟陽與諸人同舟至馬林溪遇雨

送李使君赴撫州

同樊潤州遊東山

送安律師

溫湯即事

送薛秀才

酬李司兵直夜見寄

送唐別駕赴郢州

送李使君赴邵州

故齊王贈承天皇帝挽歌

贈恭順皇后晚歌

寄鄭二侍御歸新鄭無礙寺所居

送廬山人歸林慮山

送榮別駕赴華州

送常大夫加散騎常侍赴朔方

送柳八員外赴江西

又送陸潛夫尋父

送廬郎中使君赴京

送鄭員外入茅山居

送志彌師往淮南

謝常大夫柳栽

寄劉方平大谷田家

雨雪

送劉兵曹還隴山居

同裴少府安居寺對雨

送元晟歸潛山所居

送康判官往新安賦得江路曲南水

宣洞靈觀

酬廬十一過宿

奉和對雪

送蕭欽

賣藥人處得南陽朱山人書

送裴員外往江南

奉和王相公早春登徐州城

奉和對山僧

奉和待勤照上人不至

奉和漢祖廟下之作

和朝郎中楊子翫雪滿寄山陰嚴維

歸渡洛水

送田濟揚州赴選

酬崔侍御期籍道士不至兼寄

送常山人歸鍾山所居

徐州送丘侍御之越

送延陵陳法師赴上元

賦得海邊樹

題岫上人房

捷好怨

送客

秋夜宿嚴維宅

送普門上人

送夔州班使君

酬袁補闕中天寺見寄

和謝舍人雪後寓直

西陵寄靈一上人朱放

歸陽羨兼送劉八長卿

尋戴處士

早發中嚴寺別契上人

酬鄭高郵秋夜見寄

五言排律

酬張二仲彝

答張諲劉方平兼呈賀蘭廣

酬包評事壁畫山水見寄

贈鄭山人

河南鄭少尹城南亭送鄭判官還河

東

登玄元廟

冬夜集賦得寒滿

寄江東李判官

送從弟豫貶遠州

太常魏博士遠出賊庭江外相逢因

叙其事

上禮部楊侍郎

宿嚴維宅送包七

送李萬州赴饒州觀省

送鄒判官赴河南

送歸中丞使新羅

劉侍御朝命許停官歸侍

夜集張謹所居

奉賀獨孤中丞遊法華寺

閑居作

送處州裴使君赴京

和袁郎中破賊後經剡中山水

送魏六侍御葬

送王相公赴幽州

東郊迎春

華清宮

和鄭少尹祭中岳寺北訪蕭居士越

上方

適荊州途次南陽贈何明府

賦得夜宿法華寺
蔣魚人歸

七言律詩

二月三日義興李明府後亭泛舟
送李錄事赴饒州

秋夜有懷高十五兼呈空和尚

玄元觀送李深李颯還奉先華陰

送錢塘路少府赴制舉

酬張二倉曹楊子所居見寄兼呈韓
郎中

使往壽州淮路寄劉長鄉

同溫丹徒登萬歲樓

宿淮陰南樓酬常伯能

酬李補闕

送崔使君赴壽州

館陶李丞舊居

送袁郎中破賊北歸

寄常司直

彭祖井

秋日東郊作

送張道士歸茅山謁李尊師

送孔巢父赴河南軍

招隱寺送闕判官還江州

二月三日義興李明府後亭泛舟
送李錄事赴饒州

秋夜有懷高十五兼呈空和尚

玄元觀送李深李颯還奉先華陰

送錢塘路少府赴制舉

酬張二倉曹楊子所居見寄兼呈韓

郎中

使往壽州淮路寄劉長鄉

同溫丹徒登萬歲樓

宿淮陰南樓酬常伯能

酬李補闕

送崔使君赴壽州

館陶李丞舊居

送袁郎中破賊北歸

寄常司直

彭祖井

秋日東郊作

送張道士歸茅山謁李尊師

送孔巢父赴河南軍

招隱寺送闕判官還江州

楊氏林亭探得古槎
和王給事禁省梨花詠

送陸鴻漸赴越序

臺頭寺頌上人院古松下有小松栽
毫末新生與織草不辨重其有凌雲
干霄之志與趙員外裴十補闕同賦
之

漁子溝寄趙員外裴補闕

同李三月夜作

初入沅江夜入湖

送裴陟歸常州

洪澤館壁見禮部尚書題詩

望南山雪惟山寺普上人

贈寄權三客舍

送李山人還

六言

小江靈一上人

奉寄皇甫補闕

送鄭二之茅山

問李二司直所居雲山

閑居

七言絕句

臨平道中贈同舟人

舟中送李八

少室常鍊師并仙歌

送裴闡

秋夜戲題劉方平壁

重陽日酬李觀

寄樵器

送陸澧郭鄭

寄振上人無礙寺所居

酬張繼并序

又得雲字

題將道士房

送雲陽少府

曾山送別

赴李少府莊失路

送謝十二判官

同李萬晚望南岳寺懷晉明上人

送魏卜六還蘇州

此處缺二卷四集甲補入

△

唐皇甫冉詩集卷之一

唐補闕潤州皇甫冉茂政著

刑部郎中江都蕭海 校正

四言古詩

劉方平壁畫山

墨妙無前性生壁先迴溪已失遠嶂猶連
側徑樵客長林野煙青峯之外何處雲天

五言古詩

與張補闕王鍊師自徐方清路同舟
中下於臺頭寺留別趙員外裴補闕

同賦雜題一首

朝朝春事晚泛泛行舟遠淮海思無窮悠
揚煙景中幸將仙子去復與故人同高枕
隨流水輕帆任遠風鍾聲野寺迴草色故
城空送別高臺上徘徊共惆悵懸知白日
斜定是猶相望

屏風上各賦一物得携琴客

不是向空林應當就磐石白雲知隱處芳
草迷行迹如何祇役心見尔携琴客
寄劉方平

坐憶山中人窮棲事南畝煙霞相覩外墟
落今何有潘郎作賦年陶令辭官後達生
貴自適良願固無負田取潁水流樹入陽
城口歲暮憂思盈離居不堪久

曾東遊以詩寄之

出郭離言多迴車始知遠寂然層城暮更
念前山轉總轡越成臯浮舟背梁苑朝朝
勞延首徃徃若在眼落日孤雲還邊愁迷
楚關如何椒花發復對遊子顏古寺杉松
裏連檣洲渚間煙生海西岸雲見吳南山

驚風掃蘆葦翻浪連天白正是揚帆時偏
逢江上客由來論佳句况乃愜所適差我
天姥峯翠色春更碧氣棲湖上雨月淨刻
中文釣艇或相逢江籬又堪摘迢迢始寧
野蕪沒謝公宅朱槿摧列壙蒼苔偏幽石
顧子任踈懶期尔振羽翮滄洲未可行須
售金門策

崔十四宅各賦一物得簷柳

官渡老風煙潯陽媚雲日漢將營前見胡
笳曲中出復在此簷端重陰伸長室

送段明府

遙夜此何其霜空殘杳靄方嗟異鄉別
是同公會海林秋更踈野水寒猶大離人
轉吳岫旅鴈從燕塞日夕望前期勞心白
雲外

酬楊侍御寺中見招

貧居依柳市閑步在蓮宮高閣宜春雨長
廊好嘯風誠如雙樹下豈比一丘中

見諸姬學玉臺體

艷唱召燕姬清絃侍盧文由來道姓秦誰

不知家楚傳杯見目成結帶明心許寧辭
玉輦迎自堪金屋貯朝朝作行雲襄王迷
處所

題裴二十一新園

東郭訪先生西郊尋隱路又爲江南客自
有雲陽樹已得閑園心不知公府步開門
白日晚倚杖青山暮果熟任霜封籬疎從
水度窮年常牽綴往事皆淪悞唯見耒耜
人朝朝自來去

寄高雲

南徐風日好悵望毗陵道毗陵有故人一
見恨無因獨戀青山久唯令白髮新每嫌
持手板時見着頭巾煙景臨寒食農
仲春家貧仍嗜酒生事今何有芳草遍江
南勞心憶携手

送張南史

効何記室體

馬卿工詞賦位下年將暮謝客愛雲山家
貧身不閑風波杳未極幾處逢相識富貴
人皆變誰能念貧賤岸有經霜草林有故
年枝俱應待春色獨使客心悲

送薛判官之邠

時難自多務識小亦求賢道路無辭遠雲
山併在前樟亭待朝處已是越人煙

賦得蒼苔燕

拂水競何忙傍簷如有意翻風去每遠滯
雨歸偏駛今君裁杏梁更欲年年去

送魏中丞還河北

寧知貴公子本是魯諸生上國風塵舊中
司印綬榮辛勤戎旅事雪下護羗營

又賦得越山三韻

西陵猶隔水北岸已春山獨鳥連天去孤
雲伴客還祗應結茅宇出入石林間

送竇叔向

楚客怨逢秋閑吟興非一弃官守貧病作
賦推文律樵徑未沾霜茅簷初負日今看
泛月去偶見乘潮出卜地會為鄰還依仲
長室

題高雲客舍

孤興日自深浮雲非所仰窻中惡城峻樹
外東川廣晏起簷葛巾閑吟倚藜杖阮公

道在醉莊子生常養五柳轉扶踈千峰恣
來往清秋香杭穫白露寒萊長吳國滯風
煙平陵延夢想時人趨纓弁高鳥違羅網
世事徒亂紛吾心方浩蕩唯將山與水處
處諧真賞

之京留別劉方平

客子慕儔侶含悽整晨裝邀歡日不足况
乃前期長離袂惜嘉月遠還勞折芳遲迴
越陵迴首但蒼茫喬木清宿雨故關愁
夕陽人言長安樂其奈緬相望

出塞

吹角出塞門前瞻即胡地三軍盡回首皆
洒望鄉淚轉念關山長行看風景異由來
征戍客負得輕生義

酬裴十四得宴字

淮海各聯翩三年方一見素心終不易玄
髮何須變舊國想平陵春山滿陽羨鄰鷄
莫遽唱共惜良夜宴

送鄭二真外

置酒竟長宵送君登遠道羈心看旅鴈晚

泊依秋草秋草尚芊芊離憂亦渺然元戎
辟才彥行子犯風煙風煙積惆悵淮楚殊
飄蕩明日是重陽登高遠相望

唐皇甫冉詩集卷之二

唐補闕潤州皇甫冉茂政著

七言古詩

雜言湖山歌送許鳴謙并序

夫子隱者也耕於湖山之田孤雲無
心飛鳥無跡伯仲邕友家人怡怡貞
白之風旁行於澆俗矣始惠然而去
又翻然而歸春田雪餘具物繁殖結
我幽夢湖間一舉酒而歌歌之以送
遠

湖中之山兮波上青桂飈飈兮雨冥冥君
歸兮春早滿山兮碧草晨春暮汲兮心何
求澗戶巖扉兮身自老東嶺西峯兮同白
雲鷄鳴犬吠兮時相聞幽芳媚景兮當嘉
月踐石扞蘿兮恣超忽空山寂寂兮頴陽
人旦夕孤雲隨一身

雜言迎神詞二首并序

舞

吳楚之俗與巴渝同風日見歌樂
祀者問其故荅曰及夏不雨慮將
無年復云家有行人不歸憑是景

夫福此二者皆我所懷寄地種苗
將成枯草第為臺官羈旅京師秉
筆為迎神送神詞以應其聲亦寄
所懷也

迎神

啓庭戶列芳鮮目眇眇心綿綿因風託雨
降瓊筵紛下拜屢加籙人心望歲祈豐年
送神

露沾衣月隱壁氣淒淒人寂寂風迴雨度
虛瑤席來無聲去無跡神心降和神遠客

江草歌送盧判官

江皋兮春早江上兮芳草雜靡蕪兮杜蘅
作叢秀兮復羅生被遙隰兮經長坂雨中
深兮煙中淺目眇眇兮增愁步遲遲兮堪
寒澧之浦兮湘之濱思夫君兮送羨人吳
洲曲兮楚鄉路遠孤城兮依獨戍新月能
分衰露時夕陽照見連天處問君行邁終
何之淹泊公涖風日遲處處汀洲有芳草
正孫詎肯念歸期

雜言月洲歌送趙冽還襄陽

漢之廣矣中有洲洲如月兮水環流聒聒
兮滌與瀨草青兮春更秋苦竹林香楓樹
樵子眾師幾家住萬山飛雨一川來巴客
歸船傍洲去歸人不可遲芳杜滿洲時無
限風煙背自悲莫辭貧賤隔心期家住洲
頭定近遠朝泛輕橈暮當返不能隨尔臥
芳洲自念天機一何淺

澧水送鄭豐鄆縣讀書

麥秋中夏涼風起送君西郊及澧水孤煙
遠樹動離心隔岸江流若千里早年江海

謝浮名此路雲山愜尔情上古全經皆在
口秦人如見濟南生

登山歌

青山前青山後登高望兩處兩處今何有
煙景滿川原離人堪白首

雜言無錫惠山寺流泉歌

寺有泉兮泉在山鏘金鳴玉兮長潺潺作
潭鏡兮澄寺心泛巖花兮到人間土膏脉
動知春早隈隩陰深長苔草處處縈迴石
磴喧朝朝盪漱山僧老僧自老松自新

活活無冬春任疏鑿兮任汲引若有意兮
山中人偏依佛界通仙境明滅玲瓏媚林
嶺宛如太室臨九潭詎減天台望三井我
來結綬未經秋已厭微官憶舊遊且復遲
迴猶未去此心祗為靈泉留

送包信賦得天津橋

洛陽歲暮作征客相望依然一水間相思
已如千里隔晴煙霽景滿天心

鳳閣龍樓映水濱豈無朝夕軒車度其柰
相逢非所親畢樹甘陵愁遠道他鄉一望

人堪老君報還期在早春橋邊日日看芳草

廬山歌送至弘法師兼呈薛江州

釋子去兮訪石山禪舟容與兮住仍前猿
啾啾兮怨月江渺渺兮多煙東林西林兮
入何處上方下方兮通石路連湘接楚饒
桂花事久年深無杏樹使君愛人兼愛山
時引双旌萬木間政成人野皆不擾遂令
法侶性安閑

送陸潛夫往茅山賦得華陽洞離騷

體

游仙洞兮訪真官奠瑞席兮禮石壇忽髮
鬢兮雲擾杳陰深兮夏寒欲迴頭兮揮手
便辭家兮可否有婚姻兮嬰繚綿歸來兮
已矣

酬權器

南望江南滿山雪此情惆悵將誰說徒隨
群吏不曾閑願與諸生爲久別聞君靜坐
轉耽書種樹葺茅還舊居終日白雲應自
足明年芳草又何如人生有懷若不展出

公門猶未免迴舟朝夕待春風先報華
陽洞深涉

唐皇甫冉詩集卷之三

唐補闕潤州皇甫冉茂政著

五言律詩

潤州南郭留別

縈迴楓葉岸留滯木蘭橈吳岫新經雨江
大正落潮故人勞見愛行客自無聊君問
前程事孤雲入剡遙

祭張公洞二首

堯心知稼穡精意遠山川風雨神斯應笙
鏞詔命傳冰蘭抵掃地酌桂竹靈仙拂霧

陳金策焚香拜玉筵

雲開小有洞日出大羅天三鳥隨玉母雙
童翊子先何時種桃核幾度看桑田倏忽
煙霞散空巖騎吏旋

巫山峽

巫峽見巴東迢迢出半空雲藏神女館雨
到楚王宮朝暮泉聲落寒暄樹色同清猿
不可聽偏在九秋中

長安路

一作歸
相詩

長安九城路減里五侯家結東趨平樂
照翩抵狹斜高樓臨遠水複道出繁
花唯見相如宅蓬門度歲華

送朱逸人

時人多不見出入五湖間寄酒全吾道移
家愛遠山便看秋草暮欲共白雲還雖在
風塵裏陶潛身自閑

西陵寄靈一上人朱放

又見曾集題作西陵
寄二公尾句字不同

西陵遇風處自古是通津終日空江上雲
山若待人汀洲寒事早魚鳥興情新迴望
山陰路心中有所親

赴無錫寄別靈一淨虛二上入雲門

所居

又見卽集
題少數字

高僧本姓竺開士

一作寺

舊名林一入春山

裏千峰不可尋新年芳草遍終日白雲深
欲徇微官去懸知訝此心

獨孤中丞筵陪餞韋使君赴昇州

中司龍節貴上客虎符新地控吳襟帶才
光漢縉紳泛舟應度臘入境便行春處處
歌來暮長江建業人

送王緒剡中

不見開山去何時到剡中已聞成竹木更
道長兒童籬落雲常聚村墟水自通朝朝
憶玄度非是對清風

酬李郎中侍御秋夜登福州城樓見寄

辛勤萬甲道蕭索九秋殘月照閩中夜天
疑海上寒下程無地遠主意在人安遙寄
登樓作空知行路難

同李司直諸公暑夜南餘館

何處多明月津亭暑夜深煙霞不可望雲

樹更沉沉好是吳中隱仍爲洛下吟官微
朝復夕牽強亦何心

贈普門上人

支公身欲老長在沃州多惠力堪傳教禪
功父伏魔山雲隨坐夏江草伴頭陀借問
迴心後賢愚去幾何

與諸公同登無錫北樓

又見郎集

秋興因危堞歸心過遠山風霜征鴈早江
海旅人閑驛樹寒仍密漁舟晚自還仲宣
何所賦祗歎在荆蠻

未三字一作滯柴閑

同李蘇州傷美人

玉珮石榴裙當年嫁使君專房猶見寵傾
國衆皆聞歌舞嘗無對幽明忽此分陽臺
千萬里何處作朝雲

題魏仲光淮山所居

人群不相見乃在白雲間問我將何適羨
君今獨閑朝朝汲淮水暮暮上龜山幸已
安貧定惟從鬢髮斑

送鄭判官赴徐州

從軍非隴頭師在古徐州氣勁三河卒功

多萬里侯元戎聞外令才子幄中籌莫聽
關山曲還生出塞愁

送顧萇往新安

由來山水客復道向新安半是乘潮便全
非行路難晨裝林月在野飯浦沙寒嚴子
千年後何人釣舊灘

送權三兄弟

淮海風濤起江關幽思長同悲鵲遶樹獨
作鴈隨陽山晚雲和雪汀寒月照霜由來
濯纓處漁父愛滄浪

落第後東遊留別

學成方自得何事學干求果以浮名誤深
貽達士羞九江連漲海萬里任虛舟歲晚
同懷客相思波上鷗

寄劉八山中

東臯若近遠苦雨隔還期閏歲風霜晚山
田收穫遲茅簷燕去後樵路菊黃時平子
遊都父知君坐見嗤

九日寄鄭豐

重陽秋已晚千里信仍稀何處登高望知

君正憶歸還當採時菊定未授寒衣欲識
離君恨郊園正掩扉

劉方平西齋對雪

對酒閑齋晚開軒臘雪時花輕疑絮絡色
淨潤簾帷委樹寒枝弱縈空去鴈遲自然
堪訪戴無復四愁詩

福先寺尋湛然寺主不見

寂然空佇立徃徃報疎鍾高館誰留客東
南二室峯川原通霽色野邑變春容惆悵
層城暮猶言歸路逢

秋夜寄所思

寂寞坐遙夜清風何處來天高散騎省月
冷建章臺鄰笛哀聲急城砧朔氣催芙蓉
已委絕誰復可為媒

賦得郢路悲猿

悲猿何處發郢路第三聲遠客知秋暮空
山益夜清啾啾深衆木噉噉入孤城坐覺
盈心耳儻然適楚情

清明日青龍寺上方賦得多字

上方偏可適季月况堪過遠近水聲至東

西山色多夕陽留徑草新葉變庭柯已度
清明節春秋如客何

與張諲宿劉八城東莊

人閑當歲暮田野尚逢迎菜子多嘉慶陶
公得此生寒燕連古渡雲樹近巖城鷄黍
無辭薄貧交但貴情

問上人疾

醫王猶有疾妙理競難窮餌藥應隨病觀
身轉悟空地閑花欲雨窻冷竹生風幾日
東林去門人待遠公

送竇叔向入京

冰結楊柳津從吾去入秦徒云還上國誰
爲作中人驛樹同霜霰漁舟伴苦辛相如
求一謁詞賦遠隨身

登石城戍望海寄諸暨嚴少府

平明登古戍徙倚待寒潮江海方回合雲
林自寂寥詎能知遠近徒見蕩煙霄卽此
滄洲路嗟君久折腰

同樊潤州秋日登城樓

露冕臨平楚寒城帶早霜時同借河內人

是臥淮陽積水澄天塹連山入帝鄉因高
欲見下非是愛秋光

送蔣評事往福州

江上春常早閩中客去稀登山怨迢遞臨
水惜芳菲煙樹何時盡風帆幾日歸還看
復命處盛府有光輝

賦得荆溪夜湍送蔣逸人歸義興山

驚湍流不極夜度識雲岑長帶溪沙淺時
因山雨深方同七里路更遂五湖心揭厲
朝將夕潺湲古至今花源君若許雖遠亦

相尋

送孔黨赴舉

入貢列諸生詩書業早成家承孔聖後身
有魯儒名楚水通縈浦秦山擁漢京交君
方弱冠爲賦少年行

齊郎中筵賦得的的帆向浦留別

一帆何處去正在望中微浦迥搖空色汀
迴見落暉無爭高鳥度能送遠人歸偏似
南浮客悠揚無所依

送陸鴻漸栖霞寺採茶

採茶非採菘遠上層崖布葉春風暖盈
筐白日斜舊知山寺路時宿野人家借問
王孫草何時泛椀花

迫丹陽與諸人同舟至馬林溪遇雨
雲林不可望溪水更悠悠共載人皆客離
家春到秋遠山方對枕細雨莫迴舟來往
南徐路多為芳草留

送李使君赴撫州

遠送臨川守還同康樂侯歲時徒改易今
古接風流五馬嘶長道雙旌向本州鄉心

寄西北應此郡城樓

同樊潤州遊東山

北固多陳迹東山復盛遊鏡聲發大道草
色引行騶此地何時有長江自古流頗隨
公府步南客寄徐州

送安律師

出家童子歲愛此雪山人長路經千里孤
雲伴一身水中應見月草上豈傷春永日
空林下心將何物親

溫湯即事

天仗星辰轉霜冬景氣和樹含溫液潤山
入繚垣多丞相金錢賜平陽玉輦過魯儒
求一謁無路獨如何

送薛秀才

雖是尋山客還同慢世人讀書惟務靜無
褐不憂貧野色春冬樹鷄聲遠近鄰郗公
卽吾友合與爾相親

酬李司兵直夜見寄

江城聞鼓角旅宿復何如寒月此宵半春
風舊歲餘徒云資薄祿未必勝閑居見汝

扁舟去誰能畏簡書

送唐別駕赴郢州

莫歎辭家遠方看佐郡榮長林通楚塞高
嶺見秦城雪向曉關下人從郢路迎翩翩
駿馬去自是少年行

送李使君赴邠州

出送東方騎行安南楚人城池春足雨風
俗夜迎神郢路逢歸客湘川問去津爭看
使君度皂蓋雪中新

故齊王贈承天皇帝挽歌

禮盛追宗日人知友悌恩舊居從代邸新
隴入文園鴻寶仙書祕龍旂帝服尊蒼蒼
松裏月萬古此高原

贈恭順皇后晚歌

但謝年方久哀榮事獨稀雖殊百兩迓同
是九泉歸詔使歸金策神人送玉衣空山
竟不從寧肯學湘妃

寄鄭二侍御歸新鄭無礙寺所居

何事休官早歸來作鄭人雲山隨伴侶伏
臘見鄉親南畝無三徑東林寄一身誰當

便靜者莫使甑生塵

送廬山人歸林慮山

無論行遠近歸向舊煙林寥落人家少青
冥鳥道深白雲長滿目芳草自知心山色
連東海相思何處尋

送蔡別駕赴華州

直到群峯下應無累日程高車入郡舍流
水出關城草色田家迥槐陰府吏迎還將
海沂詠

缺事

籍甚漢公卿

送常大夫加散騎常侍赴朔方

故壘煙霞後新軍河塞間金貂寵漢將玉
節度蕭關漕漫沙中雪依稀漢口山人知
竇車騎計日勒銘還

送柳八員外赴江西

岐路窮無極長江九派分行人隨旅鴈楚
樹入湘雲又在征南役何殊薊北勳離心
不可問歲暮雪紛紛

又送陸潛夫尋友

南作詩

登山自補履訪友不齋糧坐嘯青楓晚行
吟白日長人煙隔水見草氣入林香誰作

招尋侶清齋宿紫陽

送盧郎中使君赴京

三年期上國萬里自東溟曲蓋遵長道油
幢憇短亭楚雲山隱隱淮雨草青青康樂
多新興題詩紀所經

送鄭員外八茅山居

但見全家去寧知幾日還白雲迎谷口流
水出人間冠冕情遺世神仙事滿山其中
應有物豈貴一身閑

送志彌師往淮南

已能持律藏復去禮禪亭長老偏摩頂時
流尚誦經獨行寒野曠旅宿遠山青眷屬
空相望鴻飛已杳冥

謝肅大夫柳栽

本在胡茄曲今從漢將營濃因方待庇弱
植豈無情比雪花應吐藏烏葉未成五株
蒙遠賜應使號先生

寄劉方平大谷田家

故山聞獨往樵路憶相從冰結泉聲絕霜
清野翠濃籬邊潁陽道竹外少姨峰日夕

田家務寒煙隔幾重

雨雪

風沙悲久戍雨雪更勞師絕漠無人境將
軍苦戰時山川迷向背氛霧失旂旗徒念
天涯隔中人芳草期

送劉兵曹還隴山居

離堂徒讌語行子但悲辛雖是還家客終
爲隴上人先秋雪已滿近夏草初新唯有
聞卷笛梅花曲裏春

同裴少府安居寺對雨

共結尋真會還當退食初
鑪煙雲氣合林葉雨聲餘
溽暑銷珍葷浮涼入綺
䟽歸心從念遠懷此復何如

送元晟歸潛山所居

深山秋事早歸去復何如
裛露收新穉迎寒葺舊廬
題詩卽招隱作賦是閑居
別後空相憶嵇康懶寄書

送康判官往新安賦得江路曲南水

不向新安去那知江路長
猿聲近廬霍水色勝瀟湘
驛樹收殘雨漁家帶夕陽
何須

愁旅泊使者有輝光

宣洞靈觀

孤煙靈洞遠積雪滿山寒
松柏凌高殿莓苔封石壇
客來清夜久仙去白雲殘
明日開金籙焚香更沐蘭

酬盧十一過宿

乞還方未遂日夕望雲林
况復逢春草何勞問此心
閑門公務散枉策故情深
遙夜他鄉酒同居梁甫吟

奉和對雪

春雪偏當夜，暄風却變寒。庭深不復掃，城曉更宜看。命酒開今酌，披裘晚未冠。連營鼓角動，忽似戰桑乾。

送蕭獻

惆悵煙郊晚，依然此送君。長河隔旅夢，浮客伴孤雲。淇上春山直，黎陽大道分。西陵儻一弔，應有士衡文。

賣藥人處得南陽朱山人書

賣藥何爲者，逃名市井居。唯通遠山信，因致逸人書。已報還丹効，全將世事疎。秋風

溪景裏，蕭散寄樵漁。

送裴員外往江南

公務江南遠，留歡幙下榮。楓林綠楚澤，水驛到湓城。岸草知春晚，沙禽好夜驚。風帆幾泊處，處處暮潮清。

奉和王相公早春登徐州城

落日憑危堞，春風似故鄉。川流通楚塞，山色遠徐方。壁壘依寒草，旌旗動夕陽。無戎資上策，南畝起耕桑。

奉和對山僧

又見曾集

吏散重門掩僧來閉閣閑遠心馳北闕春
興寄東山草長風光裏鶯喧靜默間芳辰
不可住惆悵暮禽還

奉和待勤照上人不至

東洛居賢相南方待本師旌麾儼欲動杯
錫杳仍逢積壘迷何處驚風泊幾時大臣
能護法况有故山期

奉和漢祖廟下之作

古廟風煙積春城車騎過方修漢祖寺更
使沛帝歌寢帳巢禽出香煙水霧和神心

降福處應在故鄉多

和朝郎中楊子翫雪滿寄山陰嚴維
凝陰晦長箔積雪滿通州征客寒猶去愁
入晝更眠謝家興詠日漢將出師年聞有
招尋興隨君訪戴船

歸渡洛水

暝色赴春愁歸人南渡頭渚煙空翠合灘
月碎光流澧浦饒芳草滄浪有釣舟誰知
訪歌客此意正悠悠

送田濟揚州赴選

家貧不自給求祿爲荒年調補無高位卑
棲屈此賢江山欲霜雪吳楚接風煙相去
誠非遠離心亦渺然
酬崔侍御期籍道士不至兼寄
一心求妙道幾歲候真師丹竈今何在白
雲無定期崑崙景致絕汗漫往還遲君但
焚香待人閒到有時

送韋山人歸鍾山所居

又見
却集

逸人歸路遠弟子出山迎服藥顏雖駐耽
書癖未成柴扉度歲月藜杖見公卿更作

儒林傳還應有姓名

徐州送丘侍御之越

時鳥催春色離人情歲華遠山隨擁傳芳
草引還家北固潮當濶西陵路稍斜縱令
來食過猶有鏡中花

送延陵陳法師赴上元

延陵初罷講建業去隨緣翻譯推多學壇
場最少年浣衣逢野水乞食向人煙遍禮
南朝寺焚香古像前

賦得海邊樹

歷歷緣荒岸冥冥入遠天每同沙草發長
共水雲聯搖落潮風早離披海雨偏故傷
遊子意多在客舟前

題昭上人房

沃州傳教後百衲老空林慮盡朝昏磬禪
隨坐卧心鶴飛湖草迴門閉野雲深地與
天台接中峯早晚尋

婕妤怨

由來詠團扇今已值秋風事逐時皆往恩
無日耳中早鴻聞上苑寒露下深宮顏色

年年謝相如賦豈工

送客

旗鼓軍威重關山客路賒待封甘度隴迴
首不思家城下春山路營中瀚海沙河源
雖萬里音信寄來查

秋夜宿嚴維宅

昔聞玄度宅門向會稽峰君住東湖下清
風繼舊跡秋深臨水月夜半隔山鍾世故
多離別良宵詐可逢

送普門上人

曾集

花宮難久別道者憶千燈殘雪入林路深
山歸寺僧日光依嫩草泉響滴春冰何用
求方便看心是一乘

送夔州莊使君

晚日照樓前三軍拜峽前白雲隨浪散青
壁與城連萬嶺岷峨雪千家橘柚川還如
赴河內天子去經年

酬袁補闕中天寺見寄

東林初結社已有晚鐘聲窻戶背流水房
廊半架城遠山重疊見芳草淺深生每與
君携手多煩長老迎

和謝舍人雪後寓直

禁省夜沉沉春風雪滿林滄洲歸客夢青
瑣侍臣心揮翰宣鳴玉承恩在賜金建章
寒漏起更助夜垣深

重西陵寄靈一上人朱放

西津遇風處自古是通津終日空江上雲
山若待人汀洲寒事早魚鳥興情新
山陰路吾心有所親

歸陽羨兼送劉八長卿

湖上孤帆別江南
謫宦歸前程愁更遠
臨水淚沾衣雲夢春山徧
瀟湘過客稀武陵招我隱
歲晚閉柴扉

尋戴處士

車馬長安道誰知大隱心
蠻僧留古鏡蜀客寄新琴
晒藥竹齋暖搗茶松院深
思君一相訪殘雪似山陰

早發中嚴寺別契上人

蒼蒼松桂陰殘月半西岑
素壁寒燈暗紅爐夜火深
廚開山鼠散鍾盡嶺猿吟
行役

方如此逢師懶話心

酬鄭高郵秋夜見寄

搖落空林夜河陽興已生
欲辭公府步知結遠山情
高柳風難定寒泉月助明
袁安方卧雪尺素及柴荆

唐皇甫冉詩集卷之四

唐補闕潤州皇甫冉茂政著

五言排律

酬張二仲彛

吳洲見芳草楚客動歸心
居宋鄉山古荆
衡煙雨深艱難十載別
羈旅四愁侵澧月
通沅水湘雲入桂林
已看生白髮當為乏
黃金江海時相見
唯聞梁甫吟

荅張諲劉方平兼呈賀蘭廣

野性難馴狎荒郊
自閉門心閑同海鳥
日

夕巒山村屢枉瓊瑤贈如今道術存遠峯
時振策春雨耐香源復有故人在寧聞蒼
鵲喧青青草色綠終是待王孫

酬包評事壁畫山水見寄

達官知所做本意在雲泉濡翰生新興群
峰忽眼前黛中分遠近筆下起風煙岩翠
深樵路湖光出釣船寒侵赤城頂日照武
陵川若覽名山誌仍聞招隱篇遂令江海
客惆悵憶閑田

贈鄭山人

白首滄洲客陶然得此生龐公採藥去萊
氏與妻行乍見還州里全非隱姓名桂帆
臨海嶠貫酒林陵城伐木吳山曉持竿越
水清家人恣貧賤物外任衰榮慙爾辭林
壑高歌至上京避喧心已慣念遠憂頻成
石路寒花發江田臘雪明玄纁儻有命何
以遂躬耕

東 河南鄭少尹城南亭送鄭判官還河

使臣懷餞席亞尹有前溪客是仙舟裹途

從御苑西泉聲喧暗竹草色引長堤故絳
青山在新田綠樹齊天秋聞別鵠關曉待
鳴鷄應歎沉冥者年年津路迷

登玄元廟

古廟川原迥重門禁籞連海童紛翠蓋羽
客事瓊筵御路分踈柳離宮出苑田興新
無向背望乂辯山川物外將遺老區中誓
絕緣函關若遠近紫氣獨依然

冬夜集賦得寒漏

清冬洛陽客寒漏建章臺出禁因風徹紫
窓共月來偏將殘瀨雜乍與遠鴻哀遙夜
重城警流年滴水催閑齋堪坐聽况有故
人杯

寄江東李判官

遠懷不可道歷稔勸離憂洛下開新鴈江
南想暮秋澄清佐八使綱紀案諸侯地識
吳平乂才當晉用求時賢幾殂謝擣藻繼
風流更有西陵作還成北固遊歸程限尺
牘王事在扁舟山色臨湖盡猿聲入憂愁
送從弟豫貶遠州

何事成遷客思歸不見鄉遊吳經萬里弔
屈過三湘水與荆巫接山通鄢郢長名嗟
黃綬繫身是白眉良獨結南枝恨應思北
鴈行憂來沽楚酒玄髮莫凝霜

太常魏博士遠出賊庭江外相逢因
叙其事

烽火驚戎塞豺狼犯帝畿川原無稼穡日
月翳光輝里杜粉榆毀宮城騎吏非群生
被慘毒雜虜耀輕肥多士從芳餌唯君識
禍機心同合浦葉命寄首陽薇耻作織鱗

照方隨高鳥飛山經商嶺出水泛漢池歸
離別霜凝髮逢迎淚迸衣京華長路絕江
海故人稀東鄧身常苦求仁惠不違祗應
窮野外耕種且相依

上禮部楊侍郎

郢匠掄材日轅輪必盡呈敢言當一幹徒
欲隸諸生未學慚鄒魯深仁錄弟兄餘波
知可挹弱植更求榮績媿他年敗功期此
日成方因舊桃李猶冀載飛鳴道淺猶懷
分時移但自驚關門驚暮鄧林壑廢春耕

十里嵩峯近千秋潁水清煙花迷戍谷墟
落接陽城渺默思鄉夢遲迴知己情勞歌
終此曲還是苦辛行

宿嚴維宅送包七

江湖同避地分守自依依盡室今為客經
秋空念歸歲儲無別墅寒服羨鄰機草色
村橋晚蟬聲江樹稀夜涼宜共醉時難惜
相違何事隨陽侶汀洲忽暫飛

送李萬州赴饒州覲省

得西字

前程觀拜慶舊館惜招携荀氏風流日胡
家清白齊川迴吳岫失塞濶楚雲低舉日
觀魚鳥驚心怯鼓鼙人稀漁浦外灘沙定
山西無限青青草王孫去不迷

送鄒判官赴河南

看君發原隰四牡去皇皇始罷滄州吏還
隨粉署郎海沂軍未息河畔歲仍荒征稅
人全少榛蕪虜近亡所行知宋遠相隔嘆
淮長早晚裁書寄銀鈞鈞八行

送歸中丞使新羅

詔使殊方遠朝儀舊典行浮天無盡處望

日計前程暫喜孤山出長愁積水平野風
飄疊鼓海雨濕危旌異俗知文教通儒有
令名還將大戴禮方外受諸生

劉侍御朝命許停官歸侍

孟孫唯問孝萊子復辭官幸遂温清願其
其稼穡難採芝供上藥拾槿奉晨飡棟裏
雲藏兩山中暑帶寒非時因有筍閑地畫
生蘭賜告承優詔長筵永日歡

夜集張謹所居

得飄

江南成父客門館日蕭條唯有圖書在

傷鬢髮凋諸生陪講誦稚子給漁樵虛室
寒燈靜空堦落葉飄滄洲自有趣誰道隱
須招

奉賀獨孤中丞遊法華寺

謝君臨郡府越國舊山川訪道三千界當
仁五百年岩空騶馭響樹密旆旌連閣影
臨空壁松聲助亂泉開門得初地伏檻接
諸天向背春光滿樓臺古制全群峰爭彩
翠百谷會風煙香像隨僧火祥鳥報客先
清心乘暇日稽首慕良緣法證無生偈詩

成大雅篇蒼生望已久迴駕獨依然

閑居作

多病辭官罷閑居作賦成圖書唯藥錄飲
食止藜藿學謝淹中術詩無鄴下名不堪
趨建禮詎是厭承明已輟金門步方從石
路行遠山期道士高柳覓先生性懶尤因
疾家貧自少營種苗雖尚短穀價幸全輕
篇詠投康樂壺觴就步兵何日肯相訪開
戶一逢迎

送處州裴使君赴京

使君朝北闕車騎發東方別喜天書召寧
憂地脉長山行朝復夕水宿露為霜秋草
連秦塞孤帆落漢陽新街趨建禮舊位識
文昌唯有東歸客應隨南鴈翔

和支郎中破賊後經剡中山水

武庫分帷幄儒衣事鼓鼙兵連越徼外寇
盡海門西節比全踈勒功當雪會稽旌旗
迴剡嶺士馬濯靈溪受律梅初發班師草
未齊行看佩金印豈得訪丹梯

送魏六侍御

商

哭葬寒郊外行將何所從
盛曹徒列栢新墓已栽松
海月同千古江雲覆幾重
舊書曾諫獵遺草議登封
疇昔輕三事常期老一峰
門臨商嶺道窓引洛城
鍾應積泉中恨無因世上
逢招尋偏見厚踈慢亦相
容張范危通夢求羊永絕
踪誰知長卿疾歌賦不還
邛

送王相公赴幽州

一作詩

黃閣開帷帳丹墀拜冕旒
位高湯左相權總漢諸侯
不改周南化仍分趙北憂
雙旌過易水千騎入幽州
塞草連天暮邊風動地秋
無因陪遠道結束佩吳鉤

東郊迎春

曉見蒼龍駕東郊春已迎
綵雲天仗分玄象太階平
佳氣山川秀和風政令行
公陳霜騎肅御道雨師清
律向韶陽變入隨草木榮
遙觀上林樹今日遇遷鶯

華清宮

驪岫接新豐岩光駕翠空
鑿山開秘殿隱霧閉仙宮
絳闕猶栖鳳彫梁尚帶虹
溫泉

曾浴日華館舊迎風肅穆瞻雲輦沈深閉
綺櫺東郊倚望處瑞氣靄濛濛

和鄭少尹祭中岳寺北訪蕭居士越
上方

肅事祠靈境尋真到隱居寅緣幽谷遠蕭
散白雲餘晚節持僧律他年著道書海邊
曾狎鳥濠上正觀魚寂靜求無相淳和觀
太初一峰綿歲月萬姓任盈虛籬隔溪中
度空臨澗水踈謝公懷舊壑迴駕復何如
適荊州途次南陽贈何明府

千里獨遊日有懷誰與同言過細陽令一
遇朗陵公清節邁多士斯文傳古風問閭
知俗變原野識年豐吾道方在此前程殊
未窮江天經岷北客思滿巴東夢渚夕愁
遠山丘晴望通應嗟出處異流蕩楚雲中

賦得荆隆夜流送蔣逸人歸吳興山

驚濤流不極夜度澌雲岑長帶溪沙澗時因山雨深
方月七里路更遙五湖心揚厲朝將夕濤溪古水至
今衣源君若許維遠亦相尋

唐皇甫冉詩集卷之五

唐補闕潤州皇甫冉茂政著

七言律詩

三月三日義興李明府後亭泛舟

江南煙景復如何
聞道新亭更可過
處處
執蘭春浦綠萋萋
藉草遠山多
壺觴須就
陶彭澤時俗猶傳晉
永和更使輕橈徐轉
去微風落日水增波

送李錄事赴饒州

北人南去雪紛紛
鴈叫汀沙不可聞
積水

長天隨遠客荒城極浦足寒雲山從建業
千峰斷江至潯陽九派分借問督郵纒弱
冠府中年少不如君

秋夜有懷高十五兼呈空和尚

晚節聞君趨道深結茅栽樹近東林大師
幾度曾摩頂高士何年遂發心北渚三更
聞過鴈西城萬里動寒砧不見支公與玄
度相思擁膝坐長吟

玄元觀送李深李鳳還奉先華陰

此去那知道路遙寒原紫府上迢迢莫持

別酒傾瓊液乍唱離歌和鳳簫遠水東流
浮落景繚垣西轉失行鏹華山秦塞長相
憶無使音塵頓寂寥

送錢塘路少府赴制舉

公車待詔赴長安客裏新正阻舊歡遲日
未能銷野雪晴花偏自犯江寒東溟道路
通秦塞北闕威儀識漢官共許郗詵工射
策恩榮請向一枝看

酬張二倉曹揚子所居見寄兼呈韓

郎中

孤雲獨鶴自悠悠別後經年尚治舟漁父
置詞相借問即官能賦許依投新芳遠寄
三春草乘興閑看萬里流莫恠杜門頻乞
假不堪扶病拜龍樓

使往壽州淮路寄劉長卿

榛草荒涼村落空驅馳卒歲亦何功
蒹葭曙色蒼蒼遠蟋蟀秋聲處處同
鄉路遙知淮浦外故人多在楚雲東
日夕煙霜那可道壽陽西去水無窮

同溫丹徒登萬歲樓

高樓獨立一作思依依極浦遙山合翠微
江客不堪頻北顧塞鴻何事復南飛
丹陽古渡寒煙積瓜步空洲遠樹稀
聞道王師猶轉戰誰能談笑解重圍

宿淮陰南樓酬常伯能

淮陰日落上南樓喬木荒城古渡頭
浦外野風初入戶窓中海月早知秋
滄波一望知千里畫角三聲起百憂
佇一作立分宵絕一作遠來客煩君步履忽相求

酬李補闕

十年歸客但心傷三徑無人已自荒夕宿
靈臺伴煙月晨趨建禮逐衣裳偶因麋鹿
隨豐草謬荷鴛鴦借未行縱有諫書猶未
獻春風拂地日空長

送崔使君赴壽州

一見劉長卿集

列郡專城分國憂彤襜皂蓋古諸侯仲華
遇主年猶少公瑾論兵位已酬草色青青
宜建隼蟬聲處處雜鳴騶千里相思如可
見淮南木落早驚秋

館陶李丞舊居

盛名天下挹餘芳弃置終身不拜郎詞藻
世傳平子賦園林人比鄭公鄉門前墜葉
浮秋水籬外寒臯帶夕陽日日青松成古
木秣應來者為心傷

送袁郎中破賊北歸

優詔親賢時獨稀中途紫綬換征衣黃香
省闈登朝去楊僕樓船振旅歸萬里長聞
隨戰角十年不得偃郊扉但將詞賦奉

七字

恩輝

寄常司直

即士元亦有此詩未詳誰作

聞君感歎二毛初，舊友相邀萬里餘。
烽戍有時驚暫定，甲兵何處可安居。
客來吳地星霜久，家在平陵音信疎。
昨夜春風還入戶，登山臨水復何如。

彭祖井

上公旌節在徐方，舊井莓苔近寢堂。
訪古應知彭祖宅，得仙何必葛洪鄉。
清池不共春池盥，漱偏宜夏日長。
聞道延年如玉液，欲將調鼎獻明光。

秋日東郊作

閑看秋水心無事，卧對寒林一作松手自栽。
廬岳高僧留偈別，茅山道士寄書來。
燕歸社日辭巢去，菊爲重陽冒雨開。
淺薄將何稱獻納，岐臨終日自遲迴。

送張道士歸茅山謁李尊師

向山獨有一人行，近洞應逢雙鶴迎。
常以素書傳子弟，還因白石號元生。
無窮杏樹行時種，幾許芝田向月耕。
師事少君年歲久，欲隨旌節往層城。

送孔巢父赴河南軍

江城相送阻煙波况復新秋一鴈過聞道
全師征北虜更言諸將會南河邊心杳杳
鄉人絕塞草青青戰馬多共許陳琳工奏
記知君名宦未蹉跎

招隱寺送聞判官還江州

離別那逢秋氣悲東林更作上方期共知
客路浮雲外暫愛僧房墜葉時長江九派
人歸少寒嶺千重鴈度遲借問潯陽在何
處每看潮落一相思

李二侍御丹陽東去新亭

姑蘇東望海陵間幾度裁書信未還長在
府中持白簡豈知天畔有青山人歸極浦
寒流廣鴈下平蕪秋野闊日新亭更携
手他鄉風景亦如關

唐皇甫冉詩集卷之六

唐補闕潤州皇甫冉茂政著

五言絕句

同諸公有懷

舊國迷江樹他鄉近海門
移家南渡久童

稚解方言

題畫帳二首

山水

桂水饒楓杉荆南足煙雨
猶疑黛色中復是雒陽岨

遠帆

朝見巴江客暮見巴山客雲帆倘暫停中路陽臺夕

渡汝水向大和山

落日事褰涉西南投一峰誠知秋水淺但怯無人踪

秋怨

長信多秋氣昭陽借月華那堪閉永巷聞道選良家

山中五詠

門柳

棧影武昌城分行漢南道何事閉門外空對青山老

遠山

少室盡西峰鳴臯隱南面柴門縱復關終日窓中見

南澗

上路各乘軒高朋盡鳴玉寧知澗下人自愛輕波綠

春草

草徧潁陽山花開武陵水春色既已同人
心亦相似

山館

山館長寂寂閑雲朝夕來空庭復何有落
日照青苔

同張侍御諫興寧寺經藏院海石榴
嫩葉初生茂殘花少更鮮結根龍藏側故
欲抗青蓮

送王司直

西塞雲山遠東風道路長人心勝潮水相

送過潯陽

婕妤怨

花枝出建章鳳管發朝陽借問承恩者雙
蛾幾許長

醉李判官度黎嶺見寄

隴首怨西征嶺南鴈北顧行人與流水共
向閩中夫

題盧十所居

春風來幾日先入辟疆園身外無餘事閑
吟書閉門

山半橫雲

湘水風日滿楚山朝夕空連峰雖已見猶
念長雲中

病中對石竹花

散點空堦下閑疑細雨中那能久相伴嗟
尔殫秋風

送王翁信還剡中舊居

海岸耕殘雪溪沙釣夕陽家中何所有春
草漸看長

送陸遂潛大并序

頃者江淮征鎮屢有掄材之舉予
不列焉有司之過予方耕山釣湖
避人如逃寇徒欲羅高鴻捕深魚
窮年竭口其可得也今齒髮向暮
執勞無力衆雛嗷嗷開口待哺如
賦之
有知者子其行乎無為自苦一絕
高山迥欲登遠水深難渡杳杳復漫漫行
人別家去

楊氏林亭探得古槎

千年古兒多八月秋濤晚偶被主人留那
知來近遠

和王給事禁省梨花詠

巧解逢人笑還能亂蝶飛春時風入戶幾
片落朝衣

送陸鴻漸赴越序

君自數百里訪予羈病牽力迎門
握手心喜宜涉旬日始至焉究孔
釋之名理窮歌詩之麗則遠墅孤
島通舟必行漁梁釣磯隨意而往

餘興未盡告云遊征夫越地梅山
水之鄉轅門當節鉞之重進可以
自薦求試退可以閑居保和吾子
所行蓋不在此尚書郎鮑侯知子
愛子者將推食解衣以拯其極講
德游藝以凌其深豈徒嘗鏡水之
魚宿耶溪之月而已吾是以無間
勸其晨裝同賦送遠客一絕

行隨新樹深夢隔重江遠迢遞風日間滄
萊洲渚晚

臺頭寺願上人院古松下有小松栽
毫未新生與織草不辯重其有凌雲
干霄之志與趙八員外裴十補闕同
賦之

細草亦全高秋毫乍堪比及至干霄日何
人復居此

漁子溝寄趙員外裴補闕

欲逐淮潮上暫停漁子溝相望知不見終
是屢迴頭

同李三月夜作

霜風驚度鴈月露皎踈林處處砧聲發星
河秋夜深

初出沅江夜入湖

放溜出江口迴瞻松栝深不知舟中月更
引湖間心

送裴陟歸常州

夜雨須停棹秋風暗入衣見君常北望何
事復南歸

洪澤館壁見禮部尚書題詩

底事洪澤壁空留黃絹詞年年淮水上行

客不勝悲

望南山雪懷山寺上人

夜夜憂蓮宮無由見遠公朝來出門望知
在雪山中

贈寄權二客舍

南橋春日暮楊柳帶清涼不得同携手空
成意有餘

送李山人還

從來無檢束只欲老煙霞鷄犬聲相應深
山有幾家

六言附

小江靈一上人

江上年年春早津頭日日人行借問山陰
遠近猶聞薄暮鐘聲

奉寄皇甫補闕

又作張繼
寄茂政

京口情人別久揚州估客來踈潮去潯陽
來去相思無處通書

送鄭二之茅山

水流絕澗終日草長深山暮春犬吠鷄鳴
幾處條桑種杏何人

問李二司直所居雲山

門外水流何處天邊樹遠誰家山色東西
多少朝朝幾度雲遮

閑居

又作王維詩

桃紅復含宿雨柳綠更帶春煙花落家童
未掃鶯啼山客猶眠

唐皇甫冉詩集卷之七

唐補闕潤州皇甫冉茂政著

七言絕句

臨平道中贈同舟人

遠山誰辨江南北長路空隨樹淺深流蕩
飄飄此何極唯因行客共知心

舟中送李八得迴字

詞客金門未有媒遊吳適越任舟迴遠水
迢迢分首去天邊山色待人來

少室韋鍊師昇仙歌

紅霞紫氣晝氤氳
絳節青幢迎少君
忽縱林下昇天去
空使時人禮白雲

送裴闡得歸字

道向毗陵豈是歸
客中誰與換春衣
今言孤舟行近遠
子荆零雨正霏霏

秋夜戲題劉方平壁

鴻悲月白時將謝
正可招尋惜遙夜
翠帳蘭房曲且深
寧知戶外清霜下

重陽日酌李觀

不見白衣來送酒
但令黃菊自開花
愁看

日晚良辰過
步步行尋陶令家

寄權器

露濕青蕪時欲晚
水流黃葉意無窮
鄴近重陽念歸否
眼前雛菊帶秋風

送陸澧郭鄭

纔見吳洲百草春
已聞燕鴈一聲新
秋風何處催年急
偏逐山行水宿人

寄振上人無碍寺所居

戀親時見在人群
多在東南就白雲
獨坐焚香誦經處
深山古寺雪紛紛

酌張繼并序

懿孫余之舊好祇役武昌六言詩見懷今以七言裁答蓋拙於事者繁而費也

張望南徐登北固迢遙西塞限東關落日臨川問音信寒潮惟帶夕陽還

又得雲字

何事千年遇聖君坐令雙鬢老如雲南行更入深山淺岐路悠悠水自分

題蔣道士房

軒窓縹緲起煙霞誦訣存思白日斜聞道崑崙有仙籍何時青鳥送丹砂

送雲陽少府得歸字

渭田春光無遠近池陽谷口倍芳菲官舍村橋來幾日殘花寥落待君歸

魯山送別

淒淒遊子若飄蓬明月清罇祇暫同南望千山如黛色愁君客路在其中

赴李少府莊失路

君家南郭白雲連正待情人弄石泉月照

煙花迷客路蒼蒼何處是伊川

送謝十二判官

四牡驅馳千里餘越山稠疊海林踈不辭
終日離家遠應為劉公一紙書

同李萬晚望南岳寺懷晉門上人

釋子身心無垢紛獨將衣鉢去人詳相思
晚望松林寺唯有鐘聲出白雲

送魏十六還蘇州

秋夜沉沉此一作送君陰蟲切切不堪聞

歸舟明月一作毗陵道回首姑蘇是

白雲

浪淘沙二首

蠻歌豈盡北人愁松雨蒲風野艇秋浪起

鷓鴣眠不得寒沙細細入江流

灘頭細草接疎林惡浪曾船半欲沉宿鷺

眠洲非舊浦去年沙嘴是江心

夜發沅江寄李潁州劉侍郎時二公

貶於此

半夜回舟入楚鄉月明山水共蒼蒼猿猿

更發秋風裏不是愁人亦斷腸

皇甫曾字孝常潤州人天寶中與兄舟俱
登進士第歷官侍御史坐貶舒州司馬
陽翟令當時兄弟齊名人比之張景陽
孟陽云有集一卷行于世

高仲武云昔孟陽之與景陽論德遠慙
厥弟協居上品載處下流今侍御之與
補闕文辭亦爾體制清潔華彩有文然
寒生五湖道春及萬年校五言之選也
其為士林所尚宜哉

唐皇甫曾詩集目錄

五言古詩

贈霈禪

五言律詩

奉陪韋中丞使君遊鶴林寺

奉送杜侍御還

酬鄭侍御秋夜見寄

送普上人還陽羨

送李中丞歸本道

和謝舍人雪夜寓直

傷陸處士

烏程水樓留別

西陵寄二公

題贈吳門邕上人

送著公歸越

送陸鴻漸山人採茶迴

寄劉員外長卿

寄張衆甫

送元侍御京使湖南

晚至華陰

送孔徵士

秋興

送歸中丞使新羅

送少微上人東南遊

送韋判官赴閩中

送人往荊州

寄淨虛上人初至雲門

尋劉處士

五言排律

春和杜相公移入長興宅奉呈諸宰

執

贈鑒上人

送湯中丞和蕃

送和兩蕃使

送王相公赴幽州

送徐大夫赴南海

七言律詩

早朝言寄所知

秋夕寄懷契上人

張芬見訪郊居作

奉寄中書王舍人

五言絕句

洛中口號

山下泉

七言絕句

酌竇拾遺秋日見呈

韋使君宅海榴詩

粵嶺四望

唐皇甫曾詩集卷之八

唐監察御史皇甫曾

著

刑部郎中江都蕭

海編校

五言古詩

贈霈禪

南嶽滿湘源吾師經利涉身歸沃洲老名
與支公接淨教傳荆吳道緣正漁獵觀空
色不染對境心自愜室中人寂寞門外山
稠疊天台積幽夢早晚當負笈

五言律詩

奉陪韋中丞使君遊鶴林寺

古寺傳燈久層城閉閣閑香花同法侶旌
旆入深山寒磬空虛裏孤雲起滅間謝公
憚作高臥徒御欲忘一作還

奉送杜侍御還

罷戰回龍節朝人識鳳池寒生五湖迫春
及萬年枝召化部一作多遺愛胡清一作已
畏知懷恩偏感別墮淚向旌麾

酬鄭侍御秋夜見寄

搖落空林夜河陽興已生未欲一作辭公府照

知結遠山情高柳風難定寒泉且助明
公方卧雪尺素及柴荆

送普上人還陽羨

一作南

花宮難久別道者憶千燈殘雪入林路暮
山歸寺僧日光依嫩草泉響滴春冰何用
求方便看心是一乘

送李中丞歸本道

上將宜分閫雙旌復去一作秦關河三晉
路賓從五原人碣石山通海溇池雪度春
酬思看玉劍何處有烟塵一作孤戍雲連海平沙雪度春

和謝舍人雪夜寓直

禁省夜沉沉春風雪滿林
滄洲歸客夢青瑣近臣心
揮翰宣鳴玉承恩在錫金
建章寒漏起更助掖垣深

傷陸處士

從此無期見柴門對雪開
二毛逢世難萬恨掩泉臺
返照空堂夕孤城吊客迴
漢家偏訪道猶畏鶴書來

烏程水樓留別

悠然千里去惜此一尊同
客散高樓上帆

飛細雨中川程隨遠水
楚思望青楓共說前期易
滄波處處通

西陵寄二公

又見冉集題與尾句不同

西陵遇風處一作雨自古是通津
終日空江上雲山若待人
汀洲寒事早魚鳥興情新
西望稽山路吾心有所親

題贈吳門邕上人

春山唯一作惟一室獨坐草萋萋
身寂心成道花開一作明鳥自啼
細泉松徑裏返景竹林西
晚與門人別依依出虎谿

送著公歸越

一作未

誰能愁此別到越會相逢長憶雲門寺門
前千萬峯石床埋積雪山路倒枯松莫學
白道士無人知去蹤

送陸鴻漸山人採茶迴

千峯待逋客香茗復叢生採摘知深處烟
霞羨獨行幽期山寺遠野飯石泉清寂寂
然燈夜相思磬一聲

寄劉員外長卿

南憶新安郡千山帶夕陽斷猿知夜久秋

草助江長踈髮應成素青松獨耐霜愛木
稱漢主題柱待回鄉

寄張衆甫

悲風還一作生舊浦雲迷隔東田伏臘同鷄
黍柴門閉雪天孤村明夜火稚子候歸舡
靜者心相憶離居畏度年

送元侍御充使湖南

雲夢南行尽三湘萬里流山川重分首徒
御亦悲秋白簡勞王事青猿助客愁離群
復多病歲晚憶滄洲

晚至華陰

臘盡促歸心行人及華陰雲霞仙掌出松
栢古祠深野渡水生岸寒川燒隔林溫泉
看漸近宮樹晚沉沉

送孔徵士

谷口幽一作山多處君歸不可尋家貧清史
在身老白雲深掃雪開松徑疏泉過竹林
余生負丘壑相送亦何心

秋興

流螢與落葉秋晚共紛紛返照城中盡寒

雨外聞離人見衰鬢獨鶴暮何群生容
在千里相思看碧雲

送歸中丞使新羅

南憲街恩去東夷泛海行天遙辭上國水
盡到孤城已變炎涼氣仍愁浩淼程雲濤
不可極來往見雙旌

送少微上人東南遊

石梁人不到獨往更迢迢乞食山家少尋
鐘野寺遙松門風自掃瀑布雪難消秋夜
聞清梵餘音逐海潮

送常判官赴閩中

孤棹閩中客，双旌海上軍。
路人從北少，嶺水向南分。
野鶴傷情別，林猿忌夜聞。
漢家崇亞相，知子遠邀勳。

送人往荊州

草色隨驄馬，悠悠同出秦。
水傳雲夢曉，山接洞庭春。
帆影連三峽，猿聲近四鄰。
青門一分首，難見杜陵人。

寄淨虛上人初至雲門

寒蹤白雪裏，法侶自提攜。
竹徑通城下，松

門隔水西方，同沃州去不似武陵迷。
鬢髮心知處，高峯是會稽。

尋劉處士

幾年入不見，林下掩柴關。
留客當清夜，逢君話舊山。
隔城寒杵急，帶月早鴻還。
南陌雖相近，其如隱者閑。

遇劉員外長卿別墅

謝客開山後，郊扉積水通。
江湖千里別，衰老一樽同。
返照寒川滿，平田暮雪空。
滄洲自有趣，不復哭途窮。

五言排律

春和杜相公移入長興宅奉呈諸宰
執

欲向幽偏適還從絕地移
秦官昇食貴堯世土階卑
戟戶槐陰滿堂牕竹葉
密絳分午夜漏遙隔萬年
枝北闕深恩在一作林遠
夢知日斜門掩映山遠
樹參差論道齊一作鸞
翼題詩憶鳳池從公亦何
幸長與珮聲隨

贈監上人

律儀傳教誘僧臘老烟
霄樹色依禪誦泉聲入寂
寥寶龕經未劫畫壁見南
朝深竹風開合寒潭月動
搖息心歸靜理愛道坐中
宵更欲尋真去乘船泝海
潮

送湯中丞和蕃

繼好中司出天心外國知
已傳堯雨露更說漢威儀
隴上應回首河源復載馳
孤峯問徒御空磧見旌麾
春草鄉愁起邊城旅夢移
莫嗟行地遠此去蒼恩松

送和西蕃使

白簡初分命黃金已在腰
恩華通外國徒御發中朝
雨雪從邊起旌旗上隴遙
暮天沙漠漠空礫馬蕭蕭
寒路隨河水關城見柳條
和戎先罷戰知勝霍嫖姚

送王相公赴幽州

台衮兼戎律勤憂秉化元
鳳池東掖寵龍節北方尊
長路山河轉前驅鼓角喧
人安布特令地遠答君恩
暮日平沙淡秋風大旆翻
漁陽在天末戀別信陵門

送徐大夫赴南海

舊國當分閭天涯答聖私
大軍傳羽檄老將拜旌旗
位重登壇後恩深掛印時
何年諫獵賦今日飲泉詩
海內求民瘼城隅見島夷
由來黃霸去自有上台期

七言律詩

早朝日寄所知

一作皇甫甫

長安歲後見歸鴻紫禁朝天拜舞同
曙色漸分雙闕下漏聲遙在百花中
爐烟乍起開仙仗玉佩成行引上公
共荷發生同雨露不應黃葉久從風

秋夕寄懷契上人

已見槿花朝委露，獨悲孤鶴在人群。
真僧出世心無事，靜夜名香手自焚。
窓臨絕澗同流水，客至孤峯掃白雲。
更想清晨誦經處，獨看松上雪紛紛。

張芬見訪郊居作

林中雨散早涼生，已有迎秋促織聲。
三徑荒蕪羞對客，十年衰老愧稱兄。
愁心自惜江蘿晚，短一世事方看木槿榮。
君若罷官携手去，尋山莫計白雲程。

奉寄中書王舍人

腰金載筆謁承明，至道安禪得此生。
西掖幾年給綉綉，東山遙夜薜蘿情。
風傳漏刻星河曙，月上梧桐雨露清。
聖主好文誰爲薦，閉門空賦子虛成。

五言絕句

洛中口號

還鄉不見家，年老眼多淚。
車馬上河橋，城中好天氣。

山下泉

漾漾帶山光澄澄倒林影那知石上喧却
憶山中靜

七言絕句

酌竇拾遺秋日見呈

時令公自江陰除諫官

孤城未卷時相見衰柳閉門日半斜欲送
近臣朝魏闕獨憐殘菊在陶家

常使君宅海榴詩

淮陽臥裏有清風臘月榴花帶雪紅閉閣
寂寥常對此江湖心在數枝中

峯嶺四望

漢家仙仗在咸陽洛水東流出建章野老
至今猶望幸離宮晚樹獨蒼蒼

跋三皇甫詩後語

慎早聞詩於李文正先生

曰唐人號能詩者無慮千

家其有傳者百餘集而

止其集可以諷詠興觀雅

以章什粘摘者自李杜劉
雖高岑王孟固有意然矣
又曰選唐者凡幾人雖精
駁相出入然而良金美玉
人若珠拾未有隱焉者也慎
閱於是言則取唐集之
存者披之其的然可傳在
昔人羊血也骨表之矣棄餘雖
富平漫實繁山林遐遠
篇籍罕具者不必以未見

為恨也河中劉潤之苦勤
聲律於唐尤數者近輯
二皇甫集將鑿布之吾觀
二子生實伯仲故調亦雅似
時以方張景陽孟陽焉然
二張集吾不見其全矣跡若
是者吾見二陸焉評者舍
陸而稱張知儼倫矣嗚呼
二陸之集自昭明選外無
留良者况又甚亞乎吾於

是安得不重有感於文

正之言也

正流戊寅六月成都楊慎書



